

Safonau proffesiynol ar gyfer athrawon addysg bellach ac ymarferwyr dysgu seiliedig ar waith yng Nghymru

Cynulleidfa

Athrawon addysg bellach; ymarferwyr dysgu seiliedig ar waith; darparwyr dysgu seiliedig ar waith; colegau; Ffederasiwn Hyfforddiant Cenedlaethol Cymru; Colegau Cymru; Cyngor y Gweithlu Addysg; cyflogwyr; undebau llafur; darparwyr eraill ôl-16; sefydliadau'r sectorau gwirfoddol a chymunedol; sefydliadau masnachol a darparwyr hyfforddiant annibynnol; darparwyr addysg i oedolion a'r gymuned; sefydliadau eraill y sector cyhoeddus.

Trosolwg

Mae'r ddogfen hon yn nodi'r safonau proffesiynol ar gyfer athrawon addysg bellach ac ymarferwyr dysgu seiliedig ar waith yng Nghymru. Mae hefyd yn amlinellu sut mae'r safonau wedi'u datblygu ac yn rhoi canllawiau a chymorth i helpu i'w gweithredu a'u defnyddio'n barhaus.

Camau i'w cymryd

Dim – er gwybodaeth yn unig.

Rhagor o wybodaeth

Dylid cyfeirio ymholiadau am y ddogfen hon at:

Tîm polisi'r fframweithiau a safonau

Is-adran y Cwricwlwm, Asesu ac Addysgeg

Y Gyfarwyddiaeth Addysg

Llywodraeth Cymru

Parc Cathays

Caerdydd

CF10 3NQ

e-bost: Safonau.FEWBL.standards@llyw.cymru

Dogfennau cysylltiedig

Safonau proffesiynol troswaol newydd i athrawon, tiwtoriaid a hyfforddwyr yn y sector dysgu gydol oes yng Nghymru (Dysgu Gydol Oes yn y DU, 2007)

www.gov.wales/docs/dcells/publications/110809professionalstandards.pdf



Arolygiaeth Ei Mawrhydi dros Addysg a Hyfforddiant yng Nghymru
Her Majesty's Inspectorate for Education and Training in Wales



Cynnwys

| | |
|--|-----------|
| Rhagair gan yr Athro Bill Lucas | 2 |
| Rhagair y Gweinidogion | 3 |
| Cefndir a chyd-destun | 4 |
| Diben y safonau proffesiynol | 6 |
| Ein dull o fynd ati | 8 |
| Safonau proffesiynol ar gyfer athrawon addysg bellach ac ymarferwyr dysgu seiliedig ar waith yng Nghymru | 10 |
| Atodiad 1: Enghreifftiau o sut i ddefnyddio'r safonau proffesiynol | 12 |
| Atodiad 2: Aelodau'r gweithgor safonau proffesiynol addysg bellach ac ymarferwyr dysgu seiliedig ar waith | 16 |

Rhagair gan yr Athro Bill Lucas

Mae ymarferwyr y sectorau addysg bellach a dysgu seiliedig ar waith yn rhan o weithlu hynod amrywiol sy'n chwarae rôl hanfodol yn y gwaith o hyrwyddo lles cymdeithasol ac economaidd pobl sy'n byw a gweithio yng Nghymru.


Datblygwyd y ddogfen hon ar y cyd â'r ymarferwyr y mae wedi'i dylunio ar eu cyfer. Byddant yn parhau i ddatblygu dros y blynyddoedd nesaf fel eu bod yn cynnwys enghreifftiau gwerthfawr o arferion y gallwn i gyd ddysgu ohonynt.

Mae degawd wedi mynd heibio ers i'r safonau proffesiynol addysg bellach gwreiddiol hyn fod yn destun adolygiad ffurfiol, ac mae llawer wedi newid ers hynny. Er eu bod wedi gwneud eu gwaith, rydym am fod hyd yn oed yn fwy uchelgeisiol nawr.

Yn benodol, rydym eisiau gosod disgwyliadau uchel ar gyfer pob ymarferydd a'i gwneud yn fwy clir sut mae dysgu proffesiynol cydweithredol o safon yn cyfrannu at gefnogi gwelliannau. Y nod gyda phopeth a gynigiwn yw gwella ymhellach broffesiynoldeb y sector pwysig hwn a sicrhau y caiff ei barchu.

Mae datblygiad proffesiynol effeithiol i ymarferwyr yn y sectorau addysg bellach a dysgu seiliedig ar waith yn rhan annatod o sicrhau arferion dysgu, addysgu ac asesu o'r safon uchaf posibl yng Nghymru.

Rwy'n hynod ddiolchgar i'm cydweithwyr sy'n rhan o'r gweithgor sydd wedi bod mor barod i roi eu hamser i sicrhau bod y safonau hyn ar yr un llaw yn realistig ac yn ymarferol, ac ar y llaw arall yn ysbrydoli ac yn uchelgeisiol hefyd.



Yr Athro Bill Lucas

Cadeirydd: Safonau addysgu proffesiynol ar gyfer athrawon addysg bellach ac ymarferwyr dysgu seiliedig ar waith – gweithgor

Cyfarwyddwr: Y Ganolfan ar gyfer Dysgu yn y Byd Go lawn ym Mhrifysgol Caerwynt

Rhagair y Gweinidogion

Rydym o'r farn bod darpariaeth addysg bellach a dysgu seiliedig ar waith o'r radd flaenaf yn hanfodol er mwyn creu'r gweithlu medrus, arloesol, hyblyg y mae ei angen ar Gymru. Mae *Symud Cymru Ymlaen 2016–21*, rhaglen lywodraethu Cymru ar gyfer 2016–21, yn ymrwymo Llywodraeth Cymru i hyrwyddo a gwella'r llwybrau dysgu academiaidd a galwedigaethol fel ei gilydd.

Er mwyn cyflawni hyn, mae'n hanfodol cael sector addysg bellach a dysgu seiliedig ar waith lle mae'r holl ymarferwyr yn deall beth yw'r dulliau addysgu, dysgu ac asesu gorau ar gyfer ystod eang o wahanol gyd-destunau academiaidd a galwedigaethol. Mae diffinio'r hyn a olygir wrth arferion proffesiynol rhagorol yn glir yn hanfodol er mwyn cyrraedd y nod hwn. Ym mhopeth a wnawn – cynnig dewisiadau sy'n ysgogi dysgwyr 14 i 19 oed neu gyfleoedd parhaus i'r rheini mewn swyddi – mae'n hollbwysig ein bod yn anelu at ddarparu dysgu o'r safon uchaf un.

Dylai gweithio mewn partneriaeth ar y gwaith hwn sicrhau bod y safonau'n cael eu defnyddio ar draws y sector i wella dysgu proffesiynol unigolion mewn ffordd strwythuredig a chydlynus.

Mae'r safonau hyn yn nodi fframwaith uchelgeisiol i'r sector weithio tuag ato, gyda dysgu a chydweithredu proffesiynol yn ganolog iddo. Rydym yn hyderus y bydd y safonau hyn yn cymell ymarferwyr a'u cyflogwyr ymhellach wrth iddynt geisio sicrhau rhagoriaeth a gwell deilliannau i bawb.

Gofynnwn i'n holl bartneriaid yn y sector, ynghyd â'r rheini yn y sector dysgu gydol oes ehangach yng Nghymru, i barhau i gydweithio i fanteisio i'r eithaf ar y safonau proffesiynol newydd hyn.

Kirsty Williams AC

Eluned Morgan AC



**Ysgrifennydd y
Cabinet dros Addysg**

**Gweinidog y Gymraeg a Dysgu
Gydol Oes**

Cefndir a chyd-destun

Rhwng mis Chwefror a mis Gorffennaf 2017, gweithiodd Llywodraeth Cymru mewn partneriaeth â gweithgor oedd yn cynnwys amrywiaeth o ymarferwyr addysg bellach a dysgu seiliedig ar waith, ynghyd ag unigolion eraill sy'n arbenigo yn y meysydd hyn. Ym mis Mai 2017, cyhoeddwyd safonau proffesiynol drafft ar gyfer ymgysylltu yn ehangach ac i gael sylwadau gan y sector. O ganlyniad i'r broses ymgysylltu, cryfhawyd y safonau diwygiedig hyn a'r canllawiau cyfatebol diolch i sawl awgrym defnyddiol gan unigolion o'r meysydd eu hunain.

Un elfen sy'n dangos yn amlwg bod y sector yn perchnogi'r safonau newydd yw eu bod wedi'u hysgrifennu yn y person cyntaf, 'Wrth fy ngwaith a chydag eraill, byddaf yn . . . '.

Elfen hollbwysig arall yw'r syniad creiddiol hwnnw sy'n rhan o addysg alwedigaethol mewn gwledydd eraill ledled y byd, sef bod y rheini sy'n gweithio yn y sector addysg bellach a dysgu seiliedig ar waith yn tueddu i wisgo dwy het wrth eu gwaith proffesiynol, gan arbenigo mewn 'galwedigaeth' ac fel 'athro'. Dyma llinyn sy'n ganolog i'r safonau a'r canllawiau hyn.

Agwedd arall sy'n benodol i addysg bellach a dysgu seiliedig ar waith yw'r iaith a ddefnyddir. Mae colegau, canolfannau hyfforddiant a gweithleoedd yn wahanol iawn i ysgolion fel lleoliadau ar gyfer addysgu, dysgu ac asesu. Mae'r unigolion sy'n gweithio ym maes dysgu seiliedig ar waith yn ystyried eu hunain mwy fel ymarferwyr, tiwtoriaid, hyfforddwyr ac aseswyr na fel athrawon. Anaml iawn y bydd ymarferwyr dysgu seiliedig ar waith yn defnyddio'r gair 'addysgeg' i ddisgrifio'r dulliau addysgu a dysgu y maent yn eu dewis, tra bod hynny'n fwy arferol mewn ysgolion. Yn y sector addysg bellach, 'tiwtor' neu 'darlithydd' yw'r termau cyffredin. Fel arfer, nid yw ymarferwyr y sector dysgu seiliedig ar waith yn gweithio mewn amgylchedd ystafell ddosbarth. Mae deall y gwahaniaethau hyn o ran cyd-destun a therminoleg yn bwysig wrth baratoi safonau proffesiynol credadwy, sy'n golygu rhywbeth i'r gynulleidfa darged.

Mae'r safonau proffesiynol hyn yn rhan bwysig o gefnogi pob ymarferydd i roi sylw llawn i'w dysgu proffesiynol, gyda'r nod o ddatblygu arbenigedd, yn unigol ac ar y cyd, er mwyn cael effaith gydweithredol, gydlynus, arloesol, sydd wedi'i seilio ar dystiolaeth gynaliadwy ar bob dysgwr.

Rydym hefyd yn annog cyflogwyr i ystyried sut y gallant ddefnyddio'r safonau proffesiynol hyn i gefnogi dysgu proffesiynol a'i wneud yn rhan annatod o'u systemau a phrosesau datblygu proffesiynol presennol.

Er nad yw'r safonau proffesiynol yn statudol, maent yn elfen bwysig i'r sector eu hystyried ochr yn ochr â chofrestru gyda Chyngor y Gweithlu Addysg (CGA) a defnyddio'r Pasbort Dysgu Proffesiynol (PDP).

Rhoddwyd ystyriaeth lawn i fframwaith arolygu newydd Estyn, sy'n pwysleisio pwysigrwydd dysgu proffesiynol. O ystyried hyn, datblygwyd y safonau i ategu'r pwynt hwnnw.

Mae'r amcanion yn cyd-fynd yn dda â rhai o brif negeseuon *Adroddiad Blynyddol Prif Arolygydd Ei Mawrhydi dros Addysg a Hyfforddiant yng Nghymru 2015-2016* (www.estyn.llyw.cymru/dogfen/adroddiad-blynyddol-2015-2016), sy'n pwysleisio pwysigrwydd a nodweddion allweddol dysgu proffesiynol effeithiol ar draws pob sector.

Bydd gwaith pellach yn cael ei wneud i ddatblygu'r gofynion ar gyfer y Dystysgrif Addysg i Raddedigion (TAR) ar gyfer addysg bellach ar sail y gwaith hwn. Byddwn hefyd yn gweithio gyda'r sector i ystyried pa safonau proffesiynol ddylai fod ar waith ar gyfer gweithwyr cymorth dysgu addysg bellach.

Diben y safonau proffesiynol

Nod safonau proffesiynol 2017 yw hyrwyddo pa mor broffesiynol yw ymarferwyr y sectorau addysg bellach a dysgu seiliedig ar waith, gosod fframwaith ar gyfer dysgu proffesiynol parhaus, hyrwyddo gwell arferion drwy hunanfyfrio a chydweithredu, gan sicrhau addysgu, dysgu ac asesu o safon uchel. Eu prif ddiben yw cefnogi unigolion i fanteisio i'r eithaf ar eu dysgu proffesiynol personol ac fel sail i lywio dadansoddiad o anghenion dysgu proffesiynol.

Ar gyfer pwy mae'r safonau hyn?

Er y datblygwyd y safonau proffesiynol hyn gan weithgor o gynrychiolwyr o'r sectorau addysg bellach a dysgu seiliedig ar waith, rhagwelir y byddant yn cael eu defnyddio gan ymarferwyr ym mhob un o'r grwpiau canlynol:

- athrawon a sefydliadau addysg bellach
- ymarferwyr a darparwyr dysgu seiliedig ar waith
- sefydliadau'r sectorau gwirfoddol a chymunedol
- sefydliadau masnachol a darparwyr hyfforddiant annibynnol
- Darparwyr dysgu oedolion a'r gymuned
- cyflogwyr
- sefydliadau eraill o'r sector cyhoeddus.

Sut gellir defnyddio'r safonau?

Fel unrhyw ddatganiad o ansawdd, gellir defnyddio'r safonau mewn amryw ffordd, er enghraifft:

- i gychwyn trafodaeth
- fel ffocws ar gyfer ymchwil ac ymholiadau
- fel ysbrydoliaeth ar gyfer mewnbynnau hyfforddi penodol
- fel fframwaith ar gyfer cynnydd
- fel agenda ar gyfer hyfforddwyr a mentoriaid
- fel ffordd o feincnodi darpariaethau hyfforddiant o fewn sefydliadau
- fel ffordd o ddatblygu strategaethau sefydliadol i wella addysgu a dysgu
- fel canllaw ar gyfer y broses ymsefydlu
- i lywio'r gwaith o lunio disgrifiadau swyddi a manylebau o'r person
- fel dangosydd ar gyfer perfformiad a dysgu proffesiynol a phersonol
- fel ffordd o sefydlu iaith a disgwyliadau cyffredin
- i lywio datblygiad y cwricwlwm
- ar gyfer datblygu sefydliadol, fel egwyddorion craidd ar gyfer sefydlu a rhedeg gwasanaethau.

Dros y misoedd nesaf, bydd adnoddau ar-lein yn cael eu datblygu a'u diweddarau'n gyson i rannu arferion da.

Lluniwyd y safonau proffesiynol i gefnogi ac ysbrydoli ymarferwyr ac nid i asesu cymhwysedd. Yn ein barn ni, sgwrs o ansawdd uchel ar sail gwybodaeth rhwng ymarferwyr a'u rheolwyr yw'r ffordd orau o wella safonau addysgu, a bydd hynny'n ei dro'n gwella deilliannau i bob dysgwr.


Ein dull o fynd ati

Dyma'r egwyddorion allweddol a ddefnyddiwyd i lywio'r gwaith o lunio'r safonau newydd.

- **Proffesiynoldeb deuol** – parchu'r ffaith y gall nifer o ymarferwyr fod yn arbenigwyr pwnc a galwedigaeth, ac yn arweinwyr ac arbenigwyr addysgu, dysgu ac asesu.
- **Perchnogaeth** – wedi'u datblygu gan ymarferwyr o'r sector yng Nghymru drwy gydweithredu â chyflogwyr, undebau llafur, a rhanddeiliaid eraill, fel fframwaith cryno a defnyddiol.
- **Continwmm twf** – yn ysbrydoli staff profiadol a pherthnasol i'r rheini sy'n dechrau o'r newydd.
- **Ymarferwyr yn meddwl yn feirniadol ac yn arloesi** – defnyddio'r dulliau addysgu, dysgu ac asesu gorau yn unol ag anghenion amrywiol y dysgwyr.
- **laith gyffredin** – fframwaith hwylus sy'n cefnogi dysgu proffesiynol unigol a chydweithredol.


Ein model ar gyfer proffesiynoldeb

Mae angen cymysgedd arbennig o werthoedd, sgiliau a gwybodaeth ar ymarferwyr addysg bellach a dysgu seiliedig ar waith. Gyda'i gilydd mae'r rhain yn diffinio pa mor broffesiynol ydynt, ac mae hynny'n arwain yn anuniongyrchol at well deilliannau i ddysgwyr.



Nod y model tebyg i DNA uchod yw dangos sut mae'r gwerthoedd, yr wybodaeth a'r sgiliau sy'n ffurfio proffesiynoldeb yn perthyn i'w gilydd, a sut mae hynny yn ei dro yn arwain at well deilliannau i'r holl ddysgwyr¹.

Fel mae'r diagramau sydd i'w gweld uchod ac isod yn awgrymu, rydym yn gweld gwerthoedd, gwybodaeth a sgiliau fel elfennau sydd ynghlwm â'i gilydd yn hytrach na thri pheth ar wahân fel y cânt eu hystyried mewn safonau proffesiynol ar draws y byd.



¹ Wrth lunio'r model hwn, rydym wedi ystyried Fframwaith ar gyfer Addysg yn 2030 y Sefydliad ar gyfer Cydweithrediad a Datblygiad Economaidd (OECD) ac rydym yn fwriadol yn gwneud cysylltiadau rhwng addysg pobl ifanc a datblygiad proffesiynol ar gyfer oedolion. Mae'r fframwaith yn ymddangos ar dudalen 2 o *Global Competency for an Inclusive World* (OECD, 2016) (Saesneg yn unig).
www.oecd.org/education/Global-competency-for-an-inclusive-world.pdf

Safonau proffesiynol ar gyfer athrawon addysg bellach ac ymarferwyr dysgu seiliedig ar waith yng Nghymru

Caiff y safonau proffesiynol newydd ar gyfer Cymru eu mynegi ar ffurf cyfres o ymrwymadau personol – *Wrth fy ngwaith, a chydag eraill, byddaf yn*

Arddangos ymrwymiad i ddysgwyr, eu dysgu, eu diogelwch a'u lles

- ysbrydoli, cefnogi ac ymestyn dysgwyr, gan ystyried eu man cychwynnol a'u hopsiynau o ran gwneud cynnydd
- cydweithio ag eraill i sicrhau bod dysgwyr yn cael cefnogaeth lawn

Gwerthfawrogi a hyrwyddo amrywiaeth, cyfle cyfartal a chynhwysiant

- croesawu amrywiaeth ac arddel agwedd o gynhwysiant
- herio pob ffurf ar wahaniaethu

Deall pwysigrwydd diwylliant Cymru a'r Gymraeg mewn cenedl ddwyieithog

- manteisio ar gyfleoedd i ddathlu diwylliant Cymru a'i lle yn y byd
- manteisio ar gyfleoedd i ddatblygu fy sgiliau Gymraeg fy hun a hyrwyddo ei phwysigrwydd i eraill

Arddangos urddas, cwrteisi a pharch tuag at eraill

- gwrandao ar farn, sylwadau a syniadau pobl eraill, a'u parchu
- bod yn enghraifft i eraill wrth arddel ymddygiad teg, cwrtais a pharchus

Diweddarau fy ngwybodaeth am fy mhwnc/pynciau, a sut orau i'w haddysgu a'u hasesu

- bod yn ymwybodol o'r diweddaraf ym maes fy mhwnc neu alwedigaeth ac o'r dulliau dysgu ac asesu effeithiol
- defnyddio asesiadau o ddysgu ac ar gyfer dysgu i gefnogi cynnydd dysgwyr

Gwybod sut i ddefnyddio tystiolaeth ac ymchwil i wella fy arferion

- defnyddio ac arbrofi gydag ymchwil o amrywiaeth o ffynonellau
- ystyried y theorïau a'r ymchwil ddiweddaraf gyda chydweithwyr, gan roi sylw i ba mor berthnasol ydynt yng nghyd-destun fy nulliau dysgu ac addysgu fy hun

Cynllunio dulliau addysgu, dysgu ac asesu effeithiol a'u rhoi ar waith

- pennu, paratoi, cyflawni ac asesu rhaglenni dysgu
- defnyddio ystod o wahanol gyfryngau, gan gynnwys cyfryngau digidol, yn effeithiol er mwyn gwella'r broses ddysgu

Meithrin perthnasoedd cadarnhaol a chydweithredol

- gweithio i feithrin a chynnal perthynas â dysgwyr, cydweithwyr, cyflogwyr, ac unigolion eraill lle bo hynny'n briodol
- arwain ar bob agwedd ar arferion proffesiynol a chymryd rhan mewn rhwydweithiau dysgu proffesiynol a chyfrannu atynt

Galluogi dysgwyr i rannu cyfrifoldeb am eu dysgu a'u hasesu eu hunain

- gweithio gyda phob dysgwr i'w grymuso i osod amcanion a thargedau heriol, ac i werthuso eu cynnydd yn eu herbyn
- cyfathrebu'n effeithio gyda phob dysgwr, cyflogwr ac eraill fel sy'n briodol

Myfyrio'n feirniadol ar fy ngwerthoedd, gwybodaeth a sgiliau fy hun i wella dysgu

- datblygu fy sgiliau llythrennedd, rhifedd a llythrennedd digidol fy hun ar y cyd â sgiliau proffesiynol priodol eraill
- gwerthuso fy arferion yn feirniadol a'u haddasu ar ôl myfyrio a chael adborth, gan gynnwys adborth gan ddysgwyr.

Atodiad 1: Enghreifftiau o sut i ddefnyddio'r safonau proffesiynol

Nod yr enghreifftiau isod yw cynnig syniadau ac awgrymiadau o sut y gellid dehongli'r safonau proffesiynol a'u defnyddio o ddydd i ddydd. Ni ddylai eich enghreifftiau fod wedi'u cyfyngu i'r awgrymiadau hyn yn unig a dylid eu defnyddio i lywio sgwrs broffesiynol ac i'ch cefnogi chi gyda'ch datblygiad proffesiynol parhaus.

Caiff y safonau proffesiynol newydd ar gyfer Cymru eu mynegi ar ffurf cyfres o ymrwymadau personol – *Wrth fy ngwaith, a chydag eraill, byddaf yn*

Arddangos ymrwymiad i ddysgwyr, eu dysgu, eu diogelwch a'u lles

- ysbrydoli, cefnogi ac ymestyn dysgwyr, gan ystyried eu man cychwynnol a'u hopsiynau o ran gwneud cynnydd
- cydweithio ag eraill i sicrhau bod dysgwyr yn cael cefnogaeth lawn

Er enghraifft, drwy:

- hyrwyddo agweddau cadarnhaol tuag at ddysgu
- cefnogi dysgwyr i nodi eu hanghenion a'u hamcanion dysgu
- cefnogi dysgwyr i gyflawni eu potensial drwy osod gwaith/tasgau heriol
- cydweithio gydag eraill i leihau rhwystrau i ddysgu a chael gwared arnynt
- sicrhau bod dysgwyr yn cael eu cefnogi a'u haddysgu mewn amgylchedd dysgu diogel, a chymryd camau priodol pan fo angen gan defnyddio polisïau a chanllawiau perthnasol.
- defnyddio amrywiaeth o ddulliau addysgu ac asesu, gan fanteisio i'r eithaf ar wybodaeth a sgiliau i gefnogi dysgwyr.

Gwerthfawrogi a hyrwyddo amrywiaeth, cyfle cyfartal a chynhwysiant

- croesawu amrywiaeth ac arddel agwedd o gynhwysiant
- herio pob ffurf ar wahaniaethu

Er enghraifft, drwy:

- hyrwyddo amrywiaeth a chyfleoedd
- creu amgylchedd lle mae'r dysgwyr yn teimlo'n ddiogel i herio gwahaniaethu
- annog dysgwyr i ddeall manteision amrywiaeth

- trin pob dysgwr a rhanddeiliad yn gyfartal a theg
- herio ymddygiad annerbyniol.

Deall pwysigrwydd diwylliant Cymru a'r Gymraeg mewn cenedl ddwyieithog

- manteisio ar gyfleoedd i ddatlu diwylliant Cymru a'i lle yn y byd
- manteisio ar gyfleoedd i ddatblygu fy sgiliau Gymraeg fy hun a hyrwyddo ei phwysigrwydd i eraill

Er enghraifft, drwy:

- hyrwyddo pwysigrwydd diwylliant Cymru drwy gyflwyno pwnc/maes arall
- annog a chefnogi dysgwyr sy'n siarad Cymraeg i ddysgu a gwneud eu hasesiadau drwy gyfrwng y Gymraeg
- hyrwyddo manteision datblygu sgiliau Gymraeg i ddysgwyr, staff a chyflogwyr, yn arbennig yng nghyd-destun y gweithle/sector a/neu'r pwnc.

Arddangos urddas, cwртеisi a pharch tuag at eraill

- gwrando ar farn, sylwadau a syniadau pobl eraill, a'u parchu
- bod yn enghraifft i eraill wrth arddel ymddygiad teg, cwртеais a pharchus

Er enghraifft, drwy:

- drin pob dysgwr a chydweithiwr yn gyfartal a theg, gan sicrhau eu bod i gyd yn cael cyfle cyfartal i ddweud eu dweud
- gwrando ar farn eraill, ac ymateb yn gadarnhaol
- ymddwyn yn broffesiynol bob amser
- ystyried fy agweddau a chredoau personol a phroffesiynol fy hun.

Diweddarau fy ngwybodaeth am fy mhwnс/pynciau, a sut orau i'w haddysgu a'u hasesu

- bod yn ymwybodol o'r diweddaraf ym maes fy mhwnс neu alwedigaeth ac o'r dulliau dysgu ac asesu effeithiol
- defnyddio asesiadau o ddysgu ac ar gyfer dysgu i gefnogi cynnydd dysgwyr

Er enghraifft, drwy:

- gymryd rhan lawn mewn gweithgareddau datblygu proffesiynol
- bod yn ymwybodol o ddatblygiadau yn fy maes pwnc/galwedigaeth gan sicrhau bod y dysgwyr yn elwa ar yr wybodaeth a sgiliau diweddaraf
- bodloni gofynion datblygiad proffesiynol parhaus sefydliadau lle bo hynny'n briodol
- cadw Pasbort Dysgu Proffesiynol (PDP) wedi'i ddiweddarau neu system arall yn cynnwys enghreifftiau o ymarfer myfyriol
- myfyrion ar yr ymchwil a'r datblygiadau diweddaraf gyda chydweithwyr er mwyn sicrhau gwelliant parhaus.

Gwybod sut i ddefnyddio tystiolaeth ac ymchwil i wella fy arferion

- defnyddio ac arbrofi gydag ymchwil o amrywiaeth o ffynonellau
- ystyried y theorïau a'r ymchwil ddiweddaraf gyda chydweithwyr, gan roi sylw i ba mor berthnasol ydynt yng nghyd-destun fy nulliau dysgu ac addysgu fy hun

Er enghraifft, drwy:

- gydweithio â chydweithwyr i rannu a thrafod syniadau a dulliau arloesol o ganlyniad i ymchwil ar y cyd
- cymryd rhan lawn mewn rhwydweithiau arfer broffesiynol
- rhannu arferion gorau a chanfyddiadau ymchwil gyda chydweithwyr i gefnogi gwelliant parhaus.

Cynllunio dulliau addysgu, dysgu ac asesu effeithiol a'u rhoi ar waith

- pennu, paratoi, cyflawni ac asesu rhaglenni dysgu
- defnyddio ystod o wahanol gyfryngau, gan gynnwys cyfryngau digidol, yn effeithiol er mwyn gwella'r broses ddysgu

Er enghraifft, drwy:

- ddefnyddio systemau addysgu a dysgu digidol i gefnogi addysgu, dysgu ac asesu
- defnyddio data dysgwyr i olrhain ac adolygu cynnydd dysgwyr er mwyn llywio'r gwaith cynllunio, gan sicrhau y cyflwynir y rhaglen/pwnc yn effeithiol
- creu a chynllunio amgylcheddau dysgu lle mae dysgwyr yn cymryd rhan lawn fel unigolion ac fel aelodau o grwpiau cydweithredol
- sicrhau bod pob dysgwr yn cael adborth rheolaidd, adeiladol i gefnogi ei gynnydd.

Meithrin perthnasoedd cadarnhaol a chydweithredol

- gweithio i feithrin a chynnal perthynas â dysgwyr, cydweithwyr, cyflogwyr, ac unigolion eraill lle bo hynny'n briodol
- arwain ar bob agwedd ar arferion proffesiynol a chymryd rhan mewn rhwydweithiau dysgu proffesiynol a chyfrannu atynt
-

Er enghraifft, drwy:

- helpu dysgwyr i reoli ac arwain eu dysgu eu hunain
- cymryd rhan lawn mewn rhwydweithiau dysgu proffesiynol
- cydweithio â chyfoedion i adolygu effaith addysgu, dysgu ac asesu ar ddeilliannau dysgwyr a'u perfformiad eu hunain
- cydweithio â chyfoedion, dysgwyr a rhanddeiliaid i gefnogi ac ysgogi cynnydd dysgwyr
- gymryd cyfrifoldeb dros ddatblygu a cheisio cyfleoedd i rannu gwybodaeth â'r rhwydwaith

- bod yn barod i rannu profiadau i hyrwyddo addysgu, dysgu ac asesu ardderchog yn lleol a chenedlaethol
- sicrhau cyfathrebu priodol â'r holl randdeiliaid.

Galluogi dysgwyr i rannu cyfrifoldeb am eu dysgu a'u hasesu eu hunain

- gweithio gyda phob dysgwr i'w grymuso i osod amcanion a thargedau heriol, ac i werthuso eu cynnydd yn eu herbyn
- cyfathrebu'n effeithio gyda phob dysgwr, cyflogwr ac eraill fel sy'n briodol

Er enghraifft, drwy:

- cefnogi dysgwyr i nodi eu hanghenion a'u hamcanion dysgu
- cefnogi dysgwyr i gyflawni eu potensial drwy osod gwaith/tasgau heriol
- arwain dysgwyr i adolygu eu cynnydd eu hunain
- defnyddio fy mhrofiad a'm gwybodaeth fy hun i ennyn diddordeb, annog a chymell dysgwyr
- deall y cysylltiadau rhwng cyflogaeth/gyrfaeod a fy ngwybodaeth am fy mhwnc/galwedigaeth fy hun
- dangos dealltwriaeth o holl anghenion rhanddeiliaid
- defnyddio technoleg i gyfathrebu, rhannu gwybodaeth ac annog y defnydd o lwyfannau ar-lein i rannu profiadau addysgu, dysgu ac asesu.

Myfyrio'n feirniadol ar fy ngwerthoedd, gwybodaeth a sgiliau fy hun i wella dysgu

- datblygu fy sgiliau llythrennedd, rhifedd a llythrennedd digidol fy hun ar y cyd â sgiliau proffesiynol priodol eraill
- gwerthuso fy arferion yn feirniadol a'u haddasu ar ôl myfyrio a chael adborth, gan gynnwys adborth gan ddysgwyr

Er enghraifft, drwy:

- adolygu sampl o fy nghynlluniau gwersi/asesu yn gyson er mwyn asesu a mesur effaith pob sesiwn ar ddysgwyr
- ceisio barn dysgwyr am fy nulliau addysgu/asesu a/neu gyflwyno, ac adolygu hynny
- creu cyfleoedd a manteisio arnynt i drafod ac asesu fy ngwaith â chydweithwyr ac ymarferwyr eraill
- ceisio rhannu syniadau sy'n gweithio'n dda a rhannu arferion da ar y cyd â chydweithwyr i gefnogi gwell deilliannau dysgu
- bod yn ymwybodol o sut y gellir defnyddio technoleg i ddilyn hynt a chefnogi dysgwyr i ddysgu
- bod yn ymwybodol o dechnoleg sy'n newid yn barhaus lle bo hynny'n briodol, a'r gofynion i roi cymorth llythrennedd a rhifedd effeithiol
- gwella fy sgiliau fy hun a'u diweddarau i hyrwyddo'r manteision i mi fy hun ac i'r dysgwyr.

Atodiad 2: Aelodau'r gweithgor safonau proffesiynol addysg bellach ac ymarferwyr dysgu seiliedig ar waith

Isod rhestrir aelodau'r gweithgor athrawon addysg bellach ac ymarferwyr dysgu seiliedig ar waith.

| Enw | Sefydliad |
|------------------------|---------------------------------------|
| Victoria Howe | Acorn Learning Solutions |
| Non Wilshaw | ACT |
| Jessica Lancaster | Coleg Penybont |
| Sara Davies | Coleg Penybont |
| Michell Hiller-Forster | Coleg Caerdydd a'r Fro |
| Rachel Christie | Coleg Cambria a NASUWT |
| John S Morrissey | Coleg Sir Gâr ac ATL Cymru |
| Tori Howells | Educ8 |
| Mark Isherwood | Cyngor y Gweithlu Addysg |
| Ian Dickson | Estyn – sylwedydd |
| Peter Reason | Coleg Gŵyr Abertawe |
| Berni Tyler | ISA Training |
| Phil Jones | Grŵp o Golegau NPTC |
| Matt Jones | Grŵp o Golegau NPTC |
| Rose Grimshaw | Academi Sgiliau Cymru (Learn-Kit Ltd) |
| Lisa M Thomas | Y Coleg Merthyr Tudful |
| Kelly L Murphy | Y Coleg Merthyr Tudful |
| Lisa Edwards | Undeb Prifysgolion a Cholegau (UCU) |
| Claire Jones | Llywodraeth Cymru – sylwedydd |
| Meurig Roberts | Llywodraeth Cymru – sylwedydd |
| Yr Athro Bill Lucas | Prifysgol Caerwynt |